

賊患甚深疏

塘報流寇疏

密奏軍機疏

欽奉

聖諭疏

流賊情形愈急疏

遵

旨確查兵丁强弱疏

申飭塘報疏

賊奔吳楚疏

欽奉

聖諭疏

東土腹心要地疏

官兵乘夜入山疏

賊氛日甚疏

微臣祇遵

新命疏

異變端屬疏



塘報疏

蜀疆關鉅賊警疏

彙報官兵剿賊疏

塘報連獲功級疏

賊勢滋蔓臣鄉疏

官兵冒兩夜馳疏

大兵漸集疏

塘報疏

以上計二十八疏

太子少保兵部尚書張鳳翼等謹

題爲視賊截擊解圍撲剿飛報大捷事職方清吏司
案呈奉本部送據援剿總兵官鄧玘塘報前事等因
到部送司案呈到部看得鄧玘一軍奉

命繇麻黃趨安慶防剿道經汝寧時報新蔡有警真陽
被困縛官要挾勢甚披猖該將三路分兵乘夜追擊
於羅山等處斬獲賊首四百二十二級足稱勇奮有
功員役傷兵丁俟按臣查明敘卹據難婦供稱皆
鳳陽紳衿子女妻室則前破鳳陽之寇已西返矣頃

報楚撫發兵六千已來漢黃剿禦而該將仍宜星馳奮銳夾剿使賊旁逸無門蕩平自不難也既經塘報前來理合具本題

知等因崇禎八年三月初二日具題初三日奉

聖旨據奏鄧玘斬賊多級生擒兇目具見奮勇有功官軍先行犒賞仍查明敘賚王信被害情繇還著詳查具奏鄧玘卽恪遵前旨星馳麻黃安慶等處相機夾剿以奏全功

太子少保兵部尚書張鳳翼等謹

題爲東土腹心要地寇患剝膚剿禦方急救陳膚見以祈

聖裁事職方清吏司案呈奉本部送兵科抄出山東巡撫李懋芳題前事奉

聖旨該部看議速奏欽此欽遵抄出到部送司案呈到部看得山左自妖叛倡亂後地方脊脊多事項流寇震隣人心風鶴揭竿之徒不無起而應之者幸舊撫朱大典速於應變處處設防賊遂不敢東窺然而寇

氛一日未平則其突逞可虞新撫李懋芳欲自曹單
以及滕驛逐程設兵步步碁列誠萬全之計第增兵
必先增餉當此兵餉告匱之時豈能到處增兵查臨
清一州東省財富所聚爲漕運咽喉崇禎二年經制
兵一千九百六十一名馬四百四匹崇禎四年裁汰
兵止一千一百五名馬止二百五十四匹不成一旅
其何以建威消萌合無於臨清增兵一千復其舊額
重地設以重兵旣可以杜窺伺又可以資策應且復
兵而非增兵似亦計之便者也旣經奉有速奏之

旨相應覆

請伏候

命下遵奉施行等因崇禎八年三月初二日具題初三
日奉

聖旨臨清旣議增兵卽宜增餉還會同戶部議妥合本
速奏

太子少保兵部尚書張鳳翼等謹

題爲流紛突入潼關撫道疎虞實甚乞

勅速行剿蕩以功贖罪事職方清吏司案呈照得秦賊

蹂躪中原蔓延江北蒙

皇上救民水火准調兵七萬有奇措餉九十餘萬

命督臣出關居中調度飭各府陳師境上防其奔軼但

有疎防縱賊者罪坐所錄煌煌

明旨不啻日星矣方謂網張四面賊可計日就殲迺

天險潼關始不能扼其東馳今又不能堵其西返令饑

則以隣爲壑飽則以秦爲歸賊之平也何日乎道臣
李燁然業奉

旨議處無容再議撫臣李喬嘗謂巡撫有地方之責不
能舍已芸人今以秦撫辦秦賊正其自芸之日也該
撫又苦無兵無餉矣查臣部原調秦兵二萬五千隨
督臣出關者不滿一萬其一萬五千尚在秦中儘可
調遣而又有張全昌之兵奉檄入關兵非不足也戶
部初題秦餉十萬又題留八年新餉五萬今又發帑
金十萬餉非不足也兵餉旣足何難辦此倦歸之賊
合以臨鞏之賊責之孫顯祖以漢鳳之賊責之左光
先其自潼關以至商雒洛南該撫當處處嚴防時時
蒐搗務使在外者一騎不入在內者一孽不留庶幾
以功贖罪不則

明旨森嚴恐不能再徼寬政也相應具題合候

命下遵奉施行崇禎八年三月初二日具題初三日奉
聖旨合剿宜嚴堵截明旨屢申且潼關險要何無扼防
致賊奔突該撫道玩泄殊甚李燁然吏部卽遵旨從
重議處李喬姑著戴罪亟圖殲賊自贖併孫顯祖左

光先分地責成通再飛檄馳飭如疎縱流毒重典不
宥軍前調度昨有旨俱聽洪承疇便宜行張全昌兵
奉何檄入關還著奏明

太子少保兵部尚書張鳳翼等謹

題爲剿寇議論太紛

廟筭著數皆遲乞定文墨遙度之議勿掣闕外相機之
肘以暢

皇靈以奏廓清事職方清吏司案呈奉本部送兵科抄
出戶科給事中王之晉題前事奉

聖旨這本說得是兵部卽看議具奏欽此欽遵抄出到
部送司案呈到部看得兵事尚活師在外

君命有所不受非敢矯舉雄行凡以變化呼吸未可以

刻舟求劍耳科臣王之晉感時憂事恐議論多而成
功少取諸臣條議欲臣部叅酌擇其可行者請

聖明裁定無致多指亂視臣部謹約其要領列爲四款
爲

皇上陳之

一曰申嚴紀律夫紀律乃三軍之司命故師之初爰
卽曰師出以律蓋自古重之矣今之援師非殺良
冒功卽淫掠無忌臣閱諸疏有謂寧受流賊搶毋
受援兵擋者有謂兵不用命與無兵同者有謂不

遵節制逗遛不進規避畏怯放賊縱賊者蓋已洞
悉此弊在督撫務宜約束將領在將領務宜約束
士卒必所過肅然秋毫無犯乃爲有律之師不則
國典具存安敢爲失律者寬

一曰無分疆界夫年來流寇蔓延兩直五省盡遭荼
毒豈瘡痏真不可遏良繇將士無敢戰之氣有隣
壑之心故日事驅逐卒鮮成功臣閱諸疏如西北
兵不許畫界觀望東南兵不許瀕江株守及賊合
我合賊分我分出境逐殺不盡不休等語深切時

弊是在各將士奮袂直前大張敵愾然後撲滅有期有如賊至而呼之不前賊去而鞭之不進或中軍作好或畫地自全養寇糜餉莫此爲甚督臣視師闖外所當量情輕重應題叅者題叅應軍法從事者徑行處之可也

一曰責成有司夫殲渠散黨者處將軍之事安良禦暴者賢有司之能故諸臣疏內有曰彌止未來者有曰消弭內釁者有曰清野保聚者有曰立備設防者皆責成地方官今議城池若何保固姦謀若何緝拿內釁若何消弭鄉勇若何團練村落市鎮若何保聚器械火藥若何設處必須全副精神著著實做然後百姓樂爲我用不則徒事虛文苟且塞責民情善伺安能一一鈐束之其不望風思逃挺身走險者幾希矣

一曰偵勦勁賊夫賊雖號召數十萬然真賊無多不過難民依傍附和故不覺日增月益耳每聞賊出搶掠必驅難民在前如遇兵至則難民當其鋒而賊已遠遁矣語云擒賊必擒王豈有渠賊未殲而

日報零級得奏蕩平者乎臣閱諸疏有曰願

勅督臣洪承疇細偵勁賊所在多集邊兵相機定籌或扼其去路或擊其中堅其說極爲中窾今議馘斬必有馬真賊始作級功若徒步難民則以收回生者爲功是殲渠散黨之一法也以上四款皆奉

明旨申飭臣部亦屢經馳諭而奉行者未必盡力敢乞聖明再爲申飭焉至隨時應變審勢相機全在督撫道將諸臣呼吸關通同心戮力又非臣部之所能遙度也謹遵

旨看議相應覆

請合候

命下遵奉施行崇禎八年三月初五日具題初六日奉聖旨這四款屢經奉旨未見著實奉行今後如仍有縱兵搶掠畫地誘卸勁賊不殲徒報零級及有司不能團練保聚結奸弭釁者該督撫按即便糾叅以憑重處爾部卽行馳飭

太子少保兵部尚書張鳳翼等謹
題爲遵

旨合剿晉寇恭報出關日期以祈

聖鑒事職方清吏司案呈奉本部送兵科抄出保定總
兵董用文題前事奉

聖旨山西招叛擒兇餘賊該撫鎮可辦今急在合剿大
寇董用文旣經督臣調度移駐應否遠入晉地兵部
看議速奏欽此欽遵抄出到部送司案呈到部案照
本年二月初一日准保定巡撫張其平塘報爲急報

流寇事該臣部題奉有 畿晉撫鎮合兵搜剿之

旨原未嘗令該鎮移駐也况渠魁高加討業已就擒其殘孽遊魂竄奔山谷該鎮但當發兵會獮以靖餘氛自可指顧蕩平目今大剿方殷應急聽五省督臣調度不得借題入晉致有稽延也緣奉有看議速奏之旨相應覆 請伏候

命下遵奉施行崇禎八年三月初六日具題初八日奉聖旨是督臣合剿方殷董用文著速聽調度協力扼擊不得遠道入晉致有稽誤

太子少保兵部尚書張鳳翼等謹

題為恭報援師先後抵信乞

勅督臣嚴夾剿速奏蕩平事職方清吏司案呈奉本部送據本部差官魏允登等賫回原任總兵今充為事官曹文詔張全昌又據總兵秦翼明原任總兵今遣戍尤世威鐵騎署副總兵張外加各呈前事等因到部送司案呈到部看得各路援師奉

命剿寇臣部凜遵

嚴旨屢檄星催茲據各將呈稱後先入境則軍聲已大

振矣惟是賊如飄風驟雨又購奸民爲偵諜往往避
實擊虛故兵反走無賊之方賊得避有兵之地今自
鳳廬南下者已折入於汝黃之間鄖撫疏稱南召賊
寬厚約四十餘里然則大夥盡在豫之西南矣不突
逞江淮必竄還秦隴分頭夾剿正在此時秦翼明尤
世威張外加徐來朝兵當扼其東奔之路祖大弼左
良玉尤翟文湯九州兵當截其西軼之衝鄧玘曹文
詔張全昌賀人龍崔重亨周爾敬陳治邦陳永福等
當從中蒐獮三方並進如獵者之合圍各撫臣亦應

恪遵屢

旨併力蕩平然兵有圓機權難預設因敵變化是在督
臣隨宜調度非臣部所敢中制也相應題

請伏候

命下遵奉施行崇禎八年三月初七日具題初八日奉
聖旨據奏援剿將士相次鱗集合圍掃蕩正在此時但
狡賊避實逃虛一切明攻暗伏堵回誘致機宜悉聽
督臣調度其各撫都著遵奉節制殫力固功事平一
體論敘如有抗違僨悞叅來重坐不宥爾部通行馳

飭

太子少保兵部尚書張鳳翼等謹

題爲賊患甚深臣憂無已昧死瀝血再剖愚忠事職
方清吏司案呈奉本部送兵科抄出宣大總督楊嗣
昌奏前事奉

聖旨本內說民窮盜熾切中事情餘款是否可行該部
確議具奏欽此欽遵抄出到部送司案呈到部看得
流寇本吾民也初爲饑寒所迫嘯聚弄兵旣而銷歸
無所附和愈多遂至不可撲滅督臣楊嗣昌等此至
熟謂殺不盡撫不散於給牛散種之外求一接引方

則惟有開礦之一法以

天地自然之利公之民間人人得以酌取誠爲便計但臣部反覆思之賊衆數十萬縱橫六七年彼方謂官兵莫可誰何焉肯俛首就撫年來殲渠散黨之

詔何日不下去歲陳奇瑜曾撫過男婦四萬有奇一激輒挺而是險若聚之礦所深山大谷誰爲管轄之人縱革面易心而目不習辨砂手不閑鑿洞聚而不散依然爲亂此不可不深長慮也至於

皇太子出閣大赦天下使賊衆得以自拔係

特恩鉅典雖海內無不喁喁想望然臣等惟有候吉遵行未敢擅議也既經具奏前來相應覆

請合候

勅下戶部議覆施行等因崇禎八年三月初九日具題
十二日奉

聖旨開礦不准行誅逆緩良殲渠宥脅屢旨自明劇賊正在協剿豈得槩議恩赦

太子少保兵部尚書張鳳翼等謹

題爲塘報流寇事職方清吏司案呈奉本部送據見
職鎮守山東曹濮等處署總兵官後軍都督府右都
督劉澤清塘報前事等因到部送司案呈到部未得
流寇奔軼靡定往往走無兵之處前見曹單有備則
折入湖廣見淮泗有備則竄入汝寧今開封歸德雖
見無賊然閔兵東下楚旅南來安知不又轉回乎此
時各路援師當急擊勿失而山東護漕之衆仍宜刻
刻嚴防旣經塘報前來理合具本題

知等因崇禎八年三月初九日具題十二日奉
聖旨剿賊護漕該督撫亟圖幹辦毋得疎玩致有突逞
他虞

太子少保兵部尚書張鳳翼等謹

題爲密奏軍機事職方清吏司案呈照得流寇披猖
七載久逋

天誅頃且漫衍 中都震驚

陵寢蒙

皇上赫然斯怒大張捷伐之靈調兵七萬有奇措餉九
十餘萬特

命總督洪承疇出關征討飭各撫鎮協剿限以六月蕩
平計賊惡貫盈授首此其時矣惟是督臣以三邊兼

五省幅幘萬里耳目既有所不周且統轄方新捐臂
又未必靈應臣部微聞各撫道多畫疆自守未聞窺
左足而先者將士復驕悍自恣鞭之不進自非假
天威震疊恐人玩愒如前仍是壑隣故知數十萬金錢
糜盡師老無功

皇上宵旰之憂將何時釋乎頃科臣請

賜劔尚方未蒙

俞允臣等伏思兵氣不振揚則不奮將心不警惕則不
前

皇上亦何靳一鉅鐔不以作六師之愾憶虜薄

都城日五大師團聚薊州不肯出城圍一步臣奉
命專征蒙

皇上賜劔臣具疏奏

請士卒不用命者將領得而斬之將領不用命者總
兵得而斬之總兵不用命者臣得而斬之繇是揮之
進則諸軍進據石門雖毳幕如雲而謝尚攻等當鋒
不避揮之攻則諸軍直攻遵化卽矢石如雨而鄧瓌
輩拔幟先登此當日之明驗也但出於臣下之條議

則其事輕出於

皇上之特頒則其權重伏乞

皇上賜承疇一劍俾其恭捧臨戎肅將

天討地不拘省直官無分文武悉聽節制如有逗遛執

拘失候軍機者撫鎮道奏

請定奪參遊府佐而下許其正法軍前再

勅太僕寺措功賞二萬金解發承疇以爲斬馘渠寇之

用庶

雨露與

雷霆並運賊之平也可計日而待矣爲此密

請可否統候

聖裁如蒙

睿允伏乞

特諭頒發見

恩威出自

皇上原本仍祈 留中原係密奏軍機事理謹密切上

聞等因崇禎八年三月初十日具題

太子少保兵部尚書張鳳翼等謹

題爲欽奉

聖諭事職方清吏司案呈奉本部送該司禮監太監曹

化淳等於 會極門傳出

聖諭賊氛披猖流毒已久兵餉大集亟應合殲一切行

間事宜責成督臣洪承疇調度已有屢旨猶恐人情

積玩致悞軍機宜假事權以肅衆志茲特遣官齎賜

尚方劍一口不論省直地方文武將吏凡賊到之處

悉聽節制如有逗怯執拗畫地毒隣及兵行無紀擄

掠騷擾縱渠殺脅飾級冒功等情各撫鎮道指實叅
來重治其叅遊府佐而下卽以軍法從事仍著太僕
寺速發銀二萬兩解至軍前但有真能斬馘渠魁者
查明卽行賞賚以示鼓勵仍俟事平優敘承疇受茲
重任著悉心籌畫定局設奇務期依限蕩平佇膺懋
賞毋或老師糜餉自棄前勞特諭欽此欽遵恭捧到
部送司案呈到部除臣部遵行各該衙門并劄太僕
寺動支銀兩外所有原奉

聖諭列應

進繳第

天威震疊必須

御札遙臨另紙抄謄恐猶視爲部檄合將原頒

聖諭并

欽賜尚方劍及犒賞銀兩特差職官一員恭齎前去俾

其新承

上命肅將

天討庶人心惕而賊可計日蕩平矣爲此具本謹具題
知等因崇禎八年三月十一日具題十四日奉

聖旨是諭著并賫前去奉行事平奏繳

太子少保兵部尚書張鳳翼等謹
題爲流賊情形愈急懇乞

聖明速籌邊餉以保危疆以安

豐芒事職方清吏司案呈奉本部送兵科抄出巡視
上江御史黃昌題前事奉

聖旨巢廬兩邑賊到輒陷的屬土究句應地方有司平
時全無警備殊可痛恨縣官傷亾著該撫查明具奏
道府官一併議處本內事宜已有旨了廬州議設將
官兵部酌議奏奪欽此欽遵抄出到部送司案呈到

部除縣官傷亡咨行撫按道府議處聽吏部具奏外
看得廬界鳳安之中幅幘遼濶鞭長莫及且所屬州
縣悉多山菁揭竿之徒每爲嘯聚臺臣黃昌議於此
處設將屯兵以爲防剿之計其意良善但有將必須
有兵有兵必須有餉事關經制未便以意爲裁度合
勅該撫按從長酌議如建設果宜卽當計糧餉之措處
營塞之建立兵數之多寡將領之統攝務須一一妥
確然後舉行無滯如謂將不易設所費過多今寇氛
稍靖可省一番繁費並聽撫按報罷可耳謹遵

旨議奏相應覆

請伏候

勅下遵奉施行等因崇禎八年三月十一日具題十四
日奉

聖旨撫按官若能嚴督道府有司清練額兵鼓勵鄉勇
賊至儘可捍禦乃平時漫不飭備有事但請增設兵
將當此餉匱之時豈堪遊冗糜費爾部以後宜按典
制責成不必一槩徇覆

太子少保兵部尚書張鳳翼等謹

題爲遵

旨確查兵丁強弱數目謹據實奏

報事職方清吏司案呈奉本部送兵科抄出山西巡撫
吳牲題前事奉

聖旨據奏湯九州營兵多以弱小充數又借隨征名色
濫收脫獄逃寇等項沿途騷擾避賊糜餉大干法紀
著兵部從重議處其所統兵丁應歸別伍應撤回昌
併酌議卽日具奏欽此欽遵抄出到部送司案呈到

部看得副將湯九州去歲援豫會著捷功是以晉撫
吳姓疏

請防晉不謂該弁足高氣揚初終兩截濫收遊棍入
伍徒糜金錢縱肆部卒劫官大干法紀若不重加懲
創諸將效尤莫知底止此一弁者所當革職行晉撫
按提究併查劫安鄉官是何兵卒應於軍前正法至
於該弁部兵業奉

旨援豫計此時已在行間若徑撤回昌恐無將管攝必
有譁潰之虞合令原管中軍統領赴豫撫按查點汰
其遊棍轉付左良玉部下聽督臣調遣剿賊以昌將
統昌兵是亦計之便者也既經奉有酌議卽日具奏
之

旨因科抄申刻到部燈下繕寫遂致隔宿相應覆
請伏候

勅下將湯九州革職行山西撫按提問究擬係流官原
統昌兵卽令左良玉統領聽督臣調遣剿賊等因崇
禎八年三月十三日具題十四日奉

聖旨湯九州著革了職山西撫按提問具奏併查劫安

相政錄 卷之十一 三十四
鄉官軍丁審明正法其所統昌兵著原管中軍統領
赴豫歸左良玉部伍剿賊內有遊棍及不堪的盡行
汰革仍報明實數支餉

太子少保兵部尚書張鳳翼等謹

題爲申飭塘報以便調度事職方清吏司案呈照得
軍機呼吸異變必偵報速而後調度靈故書曰羽書
言其如鳥之飛也牌曰火牌言其如火之速也未有
軍情不行飛報而能於數千里外呼之卽應者則塘
報之關係軍機重矣乃今之塘報可異焉如近者穎
鳳失事報自豫省巢廬失事傳聞已久而該撫按遲
至一月而後報頃又傳潛山太湖之間官兵失利該
撫疏報閱四十日而始到臣詢之差役云被寇之處

縣驛焚戮無馬應差只得步走未被寇之處驛迹寬
縣閉門索馬艱難是以報遲其情近真固未可深求
但軍機緊急傳遞全憑塘報閉通一脉豈宜梗塞合
勅各省直撫按行各州縣其被寇焚戮處所驛站卽不
能全復亦當設法量擺塘馬但係軍機卽行傳送不
係軍機者不得擅用未被寇處所奸細固當譏察而
有馬牌有令箭者一到卽宜撥馬不得藉口防奸以
致留難違者州縣官以失誤軍機叅處差役亦不得
借端需索違者定以軍法從事致于行間情形隨地
隨時俱宜報部不便差人卽當發驛各撫按鎮須于
護封上明註某日某時從某處發行限某日到部經
過州縣亦於護封上實填某日某時到某處飛遞下
手不論風雨晦明但有稽遲者罪坐所錄如此則數
千里外軍情十餘日可以到部臣部因得酌量緩急
以便調策其於蕩寇之機關係匪渺小也相應題
請伏候

命下遵奉施等因崇禎八年三月十六日具題十七日
奉

聖旨塘報關係軍機何得遲至月餘玩泄殊甚奏內擺
塘撥馬發驛限期事宜著卽嚴飭行如州縣遲悞及
差役需索查明重罪不宥

太子少保兵部尚書張鳳翼等謹
題爲賊奔吳楚交界之區乞

嚴合剿之令以信

明旨以期掃蕩事職方清吏司案呈到部照得寇勢靡
恒往來飄忽每避實以走虛或舍夷而就險前據淮
撫楊一鵬題報江北境內已無流寇賊折而西悉奔
汝黃一帶奉有明係縱令飽掠尾之出境何得輒稱
廓清之

旨續據應撫張國維題稱賊于二月初二日走潛山等

處隨發兵三千立刻啓行前進奉有督勵道將分道截殲之

旨臣部俱經通行申飭矣今又據應撫再報緊急賊情一揭內稱寇遁於潛山太湖宿松之間殺官擄掠勢益披猖防守旣無多兵籲援未能猝至查潛太多山延袤四五百里賊據其中掃蕩未易本月十五日據淮撫朱大典咨稱秦翼明兵已經先到尤世威張外加馬兵於三月初二日抵徐州急應督發星馳赴潛山太湖宿松等處截其東奔楚撫所發鎮守及鄧垸兵當取道黃梅從西追擊督臣親統重兵自北南下三方共進賊之旁逸無門江北一帶廓清可期倘諸臣信守疎虞各將逗遛不進致賊狡脫有罪坐所繇之

明旨與督臣新承之

賜劍在恐不能爲地方及援剿諸臣寬也相應題請伏候

命下遵奉施行崇禎八年三月十六日具題十七日奉聖旨賊遁潛太等處速宜掃蕩秦翼明等兵旣漸齊集

卽著該督設奇調度殲剿不必又從中制

太子少保兵部尚書張鳳翼等謹

題爲欽奉

聖諭謹陳設備實著仰祈

聖鑒事職方清吏司案呈奉本部送兵科抄出監視薊
鎮東協太監張國元題前事奉

聖旨知道了奏內聯絡應援及戰馬糧餉并調關內外
馬兵移駐分防事宜該部看議速奏欽此欽遵抄出
到部隨該臣部移文戶部議覆糧餉今准戶部回咨
前事等因各到部送司案呈到部看得東協太監張

國元恭承

聖諭自矢所以綢繆毖防爲封疆計者已無所不至而猶鯁鯁於三協之聯絡誠恐狡奴擁衆狂突一時並犯則千里長邊遠不及顧宜

勅督臣預將三協各隘口量其衝緩兵馬酌其數目奴犯東協則中西兩協某兵據某處堵截某兵出某處邀擊奴犯中協西協其堵截邀擊之法亦如是緩急相保首尾相應我之先著旣定庶有警不致手脚忙亂矣若夫團練鎮以馬兵四千移駐前屯屯壯閔門聲

援三屯營總兵以馬兵三千駐扎太平路作建冷策應此皆備東協要著至於中西有警團練鎮亦當捲甲入關往來堵剿以作嘗山之勢庶東西戰守相資至所請戰馬雖係軍前急需但查該鎮原有椿朋無馬丁銀及每年扣留永屬折價銀一萬一千八十八兩以供買補自崇禎四年至今又陸續發過馬三千九百匹馬價一十五萬兩又因調援豫鳳張外加等領寺馬三百匹該撫監又請留永屬俵馬二百匹臣部之應關門者已不遺餘力矣頃據罔臣蔡國用疏

稱廐庫兩窮此後再有額外請討萬勿輕

俞此真不得已之極思也總之領過銀兩及椿朋缺額等銀皆應作速買補仍責各營餵養得宜則廐櫪當日充盈矣至於糧餉據戶部咨稱該協額數在新舊餉銀俱按月給發並不缺少在本色米豆俱已派津預運歲有贏餘似無容再議矣緣係奉

旨看議相應覆

請伏候

命下遵奉施行崇禎八年三月十六日具題十七日奉

聖旨奏內三協聯絡堵擊及團練三屯兵馬移駐事宜卽著該督同各撫監鎮熟籌飭行以便臨警策應實圖剿禦馬匹糧餉知道了

太子少保兵部尚書張鳳翼等謹

題爲東土腹心要地寇患剝膚剿禦方急敬陳膚見以祈

聖裁事職方清吏司案呈奉本部送兵科抄出山東巡撫李懋芳題前事覆奉

聖旨臨清旣議增兵卽宜增餉還會同戶部議妥合本
速奏欽此欽遵抄出到部隨咨戶部酌議去後今准
戶部回咨前事等因又該戶科給事中汪惟效題爲
東土防寇之兵宜增防海之卒可減移緩用於急用

卽省兵爲省餉謹陳膚見仰祈

聖裁併乞

嚴飭剿寇督鎮刻期蕩平勿老師匱財貽禍封疆自干
國憲事奉

聖旨該部看議速奏督撫亟圖協剿依限蕩平已有屢
旨了欽此欽遵各抄出到部送司案呈到部看得臨
清增兵必先增餉臣部亦已計及但復兵而非增兵
則一清查原餉便可計兵授食是以未謀之戶部耳
今據戶部咨稱該省妖變之後曾留兵四千六百馬

八百四十四匹以歲入屯田科銀三萬四百四十二兩
抵之前銀見留該省卽使近有缺額不妨補足其餉
仍於屯科銀內支給然則臨清原自有兵有餉但在
該撫一清查原額裒多益寡使四千六百名之兵八
百四十四匹之馬半歸該將以時簡練自足以壯干城
似不必另議增也至目前東牟無警海不揚波科臣
議移登鎮之兵屯駐臨清以資捍禦實爲有見所嘗
如議

允行者查牟文綬兵三千見在鄒滕防範合移一千於

臨清俟寇平再議撤回可耳既經奉有速奏之
旨臣謹會同戶部尚書侯恂等合詞覆

請伏候

命下遵奉施行崇禎八年三月十六日具題十八日奉
聖旨該省既有額留兵馬屯餉卽著該撫清查補練酌
量給發并年文綬鄒勝防兵內以一千移駐臨清扼
要禦剿

太子少保兵部尚書張鳳翼等謹

題爲官兵乘夜入山剿賊斬獲全勝事職方清吏司
案呈准鄖陽撫治盧象昇塘報前事等因到部送司
案呈到部看得總兵左良玉剿寇南陽而賊遁鎮平
該將厲兵追襲斬首三十七級生擒七名救回婦女
三十口奪獲馬騾驢五十五匹頭四散奔潰大勢折
而西回則鄖襄漢南一帶又將告急合

勅該督撫嚴飭各將守扼隘口設伏以待無致再入鄖
漢滋蔓難圖既經塘報前來理合具本題

知崇禎八年三月十七日具題十九日奉

聖旨據奏賊勢西折鄖襄漢南一帶亟宜拒隘設伏以防蔓延卽著該督撫審勢飭行

太子少保兵部尚書張鳳翼等謹

題爲賊氛日甚江上愈危敬再陳防守事宜并

請大兵急剿以固根本事職方清吏司案呈奉本部送兵科抄出提督操江兼管巡江南京都察院右副都御史馬鳴世題前事奉

聖旨這沿江斂船防禦事宜知道了賊情飄忽布置扼守倍宜嚴密應撫已移鎮安慶操臣應否同駐兵部再酌議速奏調兵措餉合剿等事已有旨了欽此欽遵抄出到部送司案呈到部看得安慶居

陪京上遊三吳之門戶也去歲秦撫有賊連艘浮江之報臣部恐其順流而下則金陵可虞且應撫遠在蘇州未便猝至故有操臣宜駐安慶之議今應撫已提大兵駐劄其地則金陵之門戶已扃操臣只宜嚴防江干上下策應移駐之議應報罷也謹遵

旨速奏相應覆 請伏候

命下遵奉施行崇禎八年三月十七日具題十八日奉聖旨張國維既提師安慶馬鳴世還著嚴防江干相機策應不必又行移駐

太子少保兵部尚書張鳳翼等謹

題爲微臣祇遵

新命不敢控辭謹力疾星馳恭報入境之期仰慰

聖懷事職方清吏司案呈奉本部送兵科抄出鳳陽巡撫朱大典奏前事奉

聖旨朱大典聞命赴任知道了前奉有會同洪承疇調遣援剿之旨事權原重將士有驕抗逗怯不遵軍紀者自應遵勅分別叅拏正法併馬爌守徐秦翼明留鳳等事兵部酌議速覆欽此欽遵抄出到部送司案

呈到部看得撫臣朱大典新承

簡命奉有馳赴鳳陽之

旨時寇警方殷

陵園爲重是以臣部有提馬爌兵堵截之

請今寇已西行盤據潛山太湖應撫望大兵之來不
啻望歲秦翼明及尤世威張外加等兵奉

命馳剿非奉

命設防未便輕留俱應聽督臣調遣隨賊所向會剿即
云寇來無嘗重地兵單再逞可虞淮兵護運勢難分
調而楊御蕃部卒一千五百原係該撫標兵不妨留
用徐州南北咽喉馬爌駐守其地是亦扼要之著所
當如議者也謹奉

旨酌議相應覆

請伏候

命下遵奉施行崇禎八年三月十七日具題十八日奉
聖旨流寇旣盤據潛太等處應撫望援甚急秦翼明尤
世威等兵聽督臣調度隨賊所向會剿楊御蕃兵風
撫留用護

陵固圍馬爌駐守徐州俱如議飭行

太子少保兵部尚書張鳳翼等謹
題爲異變端屬

天開脩省宜圖實政以收人心之叛亂以慰

祖陵之震驚事職方清吏司案呈奉本部送兵科抄出
禮科外抄新授南京刑科給事中曹景參奏前事奉
聖旨祭告詔諭等事已有旨了築城置帥著禮兵工各
部酌議具奏欽此欽遵抄出到部送司案呈到部除
祭告築城聽禮工二部酌議外看得鳳泗

陵園乃

祖宗發祥之地保護自難少疎矧當流賊震驚之後茲飭尤宜嚴密科臣曹景參議設大帥一員統率中都留守擁護

陵寢以備不虞誠建威銷萌之策亟應如議但有將必須有兵有兵必須有餉籌之妥而後行之便臣部查中都留守司雖轄八衛然軍不過八千九百其以兵名者不過千人各軍每月止給倉糧三斗糊口不給安望騰飽今欲更新其法合將各衛官軍通盤打等除守高墻軍前議抽換一千外其守

陵軍可否操練春秋二班軍可否酌留設鎮用兵若干月餉增糧若干與建衙舍設官役廩糧等項俱坐派何處臣部未能遙度應行該撫按酌議妥確具奏若漕運總兵舊雖額設勳臣一員然裁革已久且有漕河二臣足資彈壓勳臣似可不設且承天

顯陵併應置將移會城總兵駐劄其地居重可以馭輕亦當行該撫按查確以請庶無異議也既經奉

旨酌議相應題

請伏候

命下遵奉施行等因崇禎八年三月二十一日具題二
十四日奉

聖旨楚鎮移駐事宜該撫按詳議妥確具奏漕運總兵
原未裁革與鳳泗置帥爾部酌議具覆

太子少保兵部尚書張鳳翼等謹

題爲塘報事職方清吏司案呈奉本部送准鳳陽巡
撫楊一鵬塘報前事等因到部送司案呈到部看得
鳳陽當寇患之餘土賊乘機復逞如張永安等之嘯
聚青山熊文元等之白晝橫行實煩有徒撫臣檄兵
按剿今已強半成擒餘孽尚爾宵奔且流賊見在潛
太之間聲息相通結連可虞乞

勅各該撫按申飭道將有司急爲彌戢毋致嚮應毒流
重地以自取罪戾也旣經塘報前來理合具本題

知等因崇禎八年三月二十三日具題二十六日奉
聖旨已有旨了

太子少保兵部尚書張鳳翼等謹

題爲蜀疆關鉅賊警再聞謹合詞籲
請懇乞

聖明速勅當事諸臣急圖戰守並留兵餉以遏狂氛事
職方清吏司案呈奉本部送兵科抄出詹事府等衙
門詹事兼翰林院侍讀學士等官劉宇亮等奏前事
奉

聖旨奏內事情該部看議速奏欽此欽遵抄出到部送
司案呈到部除緩徵議餉免稅移咨戶部會題外看

得流寇去歲入蜀破夔府劫餉銀二十餘萬亦可謂飽掠矣今以漢南無食擁衆十餘萬直抵黃壩等處意欲再逞該省殘破之後且水西二安物故夷目蠢蠢思動豈堪流賊再蹂躪乎雖幸撫鎮先事設防當卽折回而賊氣方驕入川之路非一在在可虞該省鄉紳條議禦寇諸策誠目前急著則撫臣宜駐達州按臣宜駐保寧相機調度鎮臣專辦援剿道將派守交界守令戢暴安良所當一一如議至云川中勁兵檄調者多譚大孝所統三千兵應留防川查此兵及張令兵六千原在題調七萬二千數內以爲剿賊之用賊旣西奔卽不宜枉道入豫但禦寇者當禦之門戶之外若能奮勇掃蕩則爲秦爲楚爲豫總以爲川且該撫疏稱川有兵三萬可資防禦所少者餉又似不專恃此數千旅也原奉有看議速奏之

旨相應覆

請伏候

命下遵奉施行等因崇禎八年三月二十四日具題三十五日奉

聖旨狡賊情形靡定蜀省衝隘甚多撫臣相機移鎮調度按臣分駐彈壓查催鎮將嚴明紀律拒險擊殲守令接濟芻糧多方綏戢者嚴加申飭譚大孝張令所部兵餉俱屬會剿之數賊入務卽殄殺賊奔急行殺追仍會秦楚鄖豫各兵協力掃蕩如仍事驅逐尾襲或參差致誤法豈輕貸爾部傳諭督臣一體節制

太子少保兵部尚書張鳳翼等謹

題爲彙報官兵剿賊事職方清吏司案呈奉本部送准河南巡撫玄默塘報前事等因到部送司案呈到部看得左良玉鎮平之捷已經前疏奏

聞無容再贅茲據撫臣報稱該將復追賊於鎮平縣之孫家營隔河寺地方斬賊二百二十餘級生擒十一名救回難婦八十口奪獲馬騾一百二十一兇渠授首都司陳永福於汝州顯山寺及兩戰共斬賊首四十餘級生擒共九名救

夥奪獲馬騾器械二將官兵足徵勇奮矣
彙敘惟是賊之嘯聚南陽河南者實煩有
昌兵已至而祖大弼之戰馬亦抵豫矣該
嚴飭會師合剿速奏蕩平無僅誇小捷致貽愈蔓
愈衍耳既經塘報前來理合具本題

知等因崇禎八年三月二十六日具題二十八日奉
聖旨左良玉等續報功級俟查明彙敘賊氛嘯聚張全
昌祖大弼既抵豫境該督撫嚴飭會師合剿速奏蕩
平無徂小捷致賊蔓逞

太子少保兵部尚書張鳳翼等謹

題爲塘報連獲功級事職方清吏司案呈奉本部送
據山西總兵官尤弘勳塘報前事等因到部送司案
呈到部看得晉寇肆掠村寨勢復披猖總兵尤弘勳
分發官兵驅馳於靜樂嵐縣地方遇賊撲砍前後兩
戰共斬獲首級一百一十一顆奪獲男婦四十二
口牛驢三十一頭隻不可謂將士無功但

鄉民李天保等連名告稱本年二月十三
兵馬到康家莊妄割鄉民首級二十七顆

則前項功級似未可盡以爲真應行該撫
聞至於寧兵素稱驕悍非譁卽逆今且妄割
目中尚有三尺耶乞

勅該鎮申明紀律務嚴軍法速靖餘氛敢有違犯立加
典刑旣經塘報前來理合具本題

知等因崇禎八年三月二十六日具題二十九日奉
聖旨該鎮寧武兵所獲賊級據稱土民出郭迎犒本職
驗明收照乃鄉民連名赴部告稱妄割民級是何不
侔該巡按御史作速嚴查確奏候奪

太子少保兵部尚書張鳳翼等謹

題爲賊勢滋蔓臣鄉剝膚上之患切

陵京下之憂深桑梓以設防重地備責專官併固結人
心之臆見力疾控籲以仰聽

聖裁事職方清吏司案呈奉本部送兵科抄出原任武
英殿大學士何如寵奏前事奉

聖旨覽卿奏具見忠悃賊氛披猖皆繇各府
力合剿晝境毒隣殊可痛恨勅諭賜劔專
寬恤民隱已有旨了其餘事宜該部看議

又奉本部送兵科抄出河南道御史韓一
勢已逼江南臣鄉受害甚慘懇乞

聖裁急勅樞臣速籌援備不容再誤事奉

聖旨該部看議速奏援兵有無逗延騷擾及到信日
俱著督臣查明奏奪欽此又奉本部送准戶部咨同
前事等因到部送司案呈到部除援兵有無逗延騷
擾及到信日期咨行督臣查奏外看得安慶踞

陪京上游控江楚之界誠東南一大要害也舊輔臣
何如寵念切牖戶計深綢繆議宿重兵建大帥鎮守

其地而臺臣韓一光亦議增兵易將以爲鞏固之計
惟是建帥必須多兵多兵必須多餉當此計臣仰屋
之時額外豈能措餉故戶部有因屯求軍因糧求兵
之議臣部伏而思之安慶雖有衛軍五千七百餘名
除後改調二千於河間等處又以二千運糧二百充
班餘一千五百屯差局差影占非一所餘者僅數
象人耳頃流寇圍桐待援於數千里外主

恃則增兵誠不可緩而建帥又不容輕議

新兵一千於應太安池等府設處錢糧以

得動支戶部額餉至于遊擊周國政已
能將推補改其官爲叅將畀以

勅印重以事權責以操練上自九江下至金

帶守備衙門皆聽節制庶呼吸可以相通其於局
陪京關係非小至舊輔疏

請設邊督及專設畱賊之司道餉司亦屬要論但查
邊督及督餉司道俱奉有不准設之

旨合無行令該督隨處調用惟求幹辦有濟正不必立
此名色也謹遵

旨速奏相應覆

請伏候

命下遵奉施行等因崇禎八年三月二十七日具題二
十九日奉

聖旨據奏該衛額軍五千七百餘名今止餘五分之一
又爲各差影占向來屯糧消歸何處著該撫按徹查
清釐汰去老弱補充壯勇扣抵本衛軍餉速

按月給散毋令姦猾侵折務期脩復舊制
不得輒議募兵徒糜糧餉遊擊改叅將重

太子少保兵部尚書張鳳翼等謹

題爲官兵冒雨夜馳深入賊營斬獲全勝事職方清
吏司案呈奉本部送據援剿總兵官左良玉塘報前
事等因到部送司案呈到部看得左良玉駐兵鎮
報寇盡屯平市該將潛師追擊當斬賊首二百
八級生擒賊目二十名救回婦女一百五十
獲馬騾驢二百二十一匹頭賊遂蒙奔有功

查明彙敘惟是賊氛充斥此遏彼猖該將
長驅窮按合剿務使賊勢日感斯殲滅一

塘報前來理合具本題

知等因崇禎八年三月二十八日具題四日

聖旨這鎮平地方斬獲著該巡按御史查明
玉乘勝追擊撥剿務殲滅為期毋得少懈

太子少保兵部尚書張鳳翼等謹
題為大兵漸集剿局宜周懇乞

聖明允設監軍以便責成事職方清吏司案呈切照流
賊蔓延禍連七省伏蒙

皇上神武調兵七萬措餉九十餘萬且專任督臣洪承
疇昇以

尚方寶劍使之力殲剿煌煌

廟筭已無遺策今據該督報稱各處大兵漸

六月之

欽限又屈指屆期此時此際正刻不容緩之
身任封疆自能仰體

焦勞刻期掃蕩但以一人之身而轄數千餘甲

數十餘萬之賊居中調度既苦無及腹之鞭撻

馳又未有分身之術且耳目不到師徒騷擾禦暴而
爲暴者有之將士逗延利賊而縱賊者有之難民無
告殺良冒功者有之行糧不濟阻饑悞事者有之自
非得一持斧臣協謀共濟其何以規進止而稽功罪
哉臣等閱稽往案凡動大兵必遣監軍御史如播州
之役則有崔景榮寧夏之役則有梅國楨恢復四城
之役則有吳阿衡皆奏奇功歷有成效彰彰可法前
督臣陳奇瑜議請監軍道奉有不必設之

旨故臣部議覆舊輔臣何如寵疏聽督臣隨便取用夫
亦謂不必專設而非謂不必設也頃接督臣洪承疇
揭帖內稱地方遼遠督剿需人議將荆南道

胙土隴右道叅議張兆曾延安府知府劉

監軍道鞏昌府同知楊彤庭延安府同知

州知州錢一寵各任監紀廳似與臣等

而合矣大抵太平非一士之略而况哉
不以羣策屈羣力而能成功者今以八
統南北雄師數萬亦既羣力畢舉矣必有
之而後督臣之呼應靈通其所

請監軍監紀各官蓋事勢之不容已者但
見任湖廣拜

命可卽受事當以監楚軍若張兆曾劉三顧俱在
豈能飛至當以監秦軍另擇一風力御史監南直
借豸繡以資彈壓庶於合剿之局大有關係伏乞

勅下吏部議覆施行等因

題四月初二日奉

聖旨已有旨了御史不必遣